



XALQ DEPUTATLARI NURAFSHON SHAHAR KENGASHINING QARORI

2023 - yil 16 - yanvar

VI-71-3-10-213-K/23

Nurafshon shahar hokimligi

Nurafshon shahrining 2023-yilgi mahalliy budjet parametrlarini tasdiqlash to'g'risida

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Budjet kodeksining 27, 99-moddalari, "2023-yil uchun O'zbekiston Respublikasining Davlat budjeti to'g'risida"gi Qonunini, O'zbekiston Respublikasi Hisob palatasining 2022-yil 24-oktabrdagi 02-958-sonli va Moliya vazirligining 2022-yil 29-dekabrdagi 01/20-32/1020-sonli xatlarini hamda 2023-yil 6-yanvardagi VI-67-1-10-0-K/23-sonli xalq deputatlari Toshkent viloyati Kengashining "Toshkent viloyatining 2023-yil mahalliy budjetini tasdiqlash to'g'risida"gi qarorini inobatga olib, xalq deputatlari Nurafshon shahar Kengashi

QAROR QILADI:

1. O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi Qonuni hamda 2023-yil 6-yanvardagi VI-67-1-10-0-K/23-sonli xalq deputatlari Toshkent viloyati Kengashining "Toshkent viloyatining 2023-yil mahalliy budjetini tasdiqlash to'g'risida"gi qarori ijro va rahbarlik uchun qabul qilinsin.

2. O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi 2022-yil 30-dekabrdagi 813-sonli qonuniga (keying o'rinlarda Qonun deb ataladi) muvofiq, Nurafshon shahar mahalliy budjetining 2023-yil uchun daromadlari 68 133,6 mln.so'm va xarajatlari 101 667,1 mln.so'm prognoz qilinganligi ma'lumot uchun qabul qilinsin.

3. 2023-yil uchun Nurafshon shahar budjetining zaxira jamg'armasi hajmlari 947,2 mln.so'm miqdorida belgilansin.

Shahar budjetining 2023-yil uchun zaxira jamg'armalari tegishli budjetlar tasdiqlangan umumiy xarajatlarining kamida 1,0 foizi miqdorida shakllantirilsin.

4. 2023-yil uchun Nurafshon shahar mahalliy budjeti daromadlari prognozi 1-ilovaga muvofiq, xarajatlarining reja ko'rsatkichlari 2-ilovaga, umumdavlat soliqlaridan ajratmalar miqdori 3-ilovaga, qishloq xo'jaligiga mo'ljallanmagan yerlar bo'yicha yer solig'i stavkasiga mahallalar bo'yicha 0,5 dan 2,0 gacha kamaytiruvchi va oshiruvchi koeffitsiyentlarni qo'llagan

holda yer solig'i stavkalari 4-ilovaga hamda yuridik shaxslar bo'yicha mol-mulk soliqlari uchun qo'llaniladigan mutloq miqdorlari 5-ilovaga, 2023-yil uchun viloyat budjetidan shahar mahalliy budjetiga ajratiladigan tartibga soluvchi budjetlararo transfertlar miqdorlari 6-ilovaga, shahar budjeti shaxsiy g'azna hisobvarag'ida turgan budjet mablag'larining yo'l qo'yiladigan eng kam miqdori 7-ilovaga muvofiq belgilanishi ma'lumot uchun qabul qilinsin.

5. O'zbekiston Respublikasining mazkur qonuni bilan 2023-yilda quyidagi soliq turlari shahar mahalliy budjetiga to'liq hajmda o'tkaziladi.

Bular:

- jismoniy shaxslardan olinadigan mol-mulk solig'i;

- jismoniy shaxslardan olinadigan yer solig'i;

- jismoniy shaxslar tegishli mol-mulkni ijaraga berishdan oladigan yillik daromadi to'g'risidagi deklaratsiyaga asosan to'laydigan, shuningdek, yakka tartibdagi tadbirkorlar to'laydigan jismoniy shaxslardan olinadigan daromad solig'i;

- suv resurslaridan foydalanganlik uchun soliq (elektr stansiyalari tomonidan to'lanadigan soliq bundan mustasno);

- davlat mulki bo'yicha ijara to'lovlaridan tushadigan tushumlar.

b) quyidagi soliqlar viloyat mahalliy budjeti hamda shahar mahalliy budjeti o'rtasida taqsimlanadi:

- benzinni, dizel yoqilg'isini va gazni yakuniy iste'molchilarga realizatsiya qilishdagi aksiz solig'i;

- yuridik shaxslardan olinadigan foyda solig'i;

- aylanmadan olinadigan soliq;

- jismoniy shaxslardan olinadigan daromad solig'i;

- yuridik shaxslarning mol-mulkiga solinadigan soliq;

- yuridik shaxslardan olinadigan yer solig'i.

Shu bilan birga, qonunga muvofiq shahar mahalliy budjetiga ajratma qilinadigan jismoniy shaxslardan olinadigan daromad solig'idan tushumlar (jismoniy shaxslar mol-mulkini ijaraga berishdan oladigan yillik daromadi to'g'risidagi deklaratsiyaga asosan to'lanadigan, shuningdek, yakka tartibdagi tadbirkorlar to'laydigan jismoniy shaxslardan olinadigan daromad solig'idan tashqari);

- foyda solig'idan tushumlarning (O'zbekiston Respublikasi Prezidenti qarori bilan tasdiqlanadigan ro'yxatga muvofiq yirik soliq to'lovchilar, O'zbekiston Respublikasida doimiy faoliyat olib boruvchi muassasa orqali faoliyat yurituvchi O'zbekiston Respublikasi norezidentlari tomonidan, shuningdek, norezidentlarning to'lov manbaida ushlab qolinadigan daromadlaridan to'lanadigan foyda solig'idan tashqari) 40 foizi miqdoridagi tushumlar viloyatning viloyat budjeti

hamda shahar budjeti o'rtasida taqsimlanishi ma'lumot uchun qabul qilinsin.

g) tamaki mahsulotlari, mobil aloqa xizmatlari uchun aksiz solig'i va alkogol mahsulotlari, shu jumladan, pivo uchun aksiz solig'idan tushumlar 2021-yil 1-iyul holatiga ko'ra shahar aholisining shahar aholisidagi ulushiga muvofiq shahar mahalliy budjetlariga o'tkazib beriladi. Agar qonunchilikda mahalliy budjetlarga o'tkaziladigan daromadlarning taqsimlanishi nazarda tutilmagan bo'lsa, daromadning ushbu turi viloyat budjetiga o'tkaziladi.

6. Shahar hokimining birinchi o'rinbosari (Q.Alkarov), shahar hokimligi moliya bo'limi (I.Xolmurodov), shahar davlat soliq inspeksiyasi (S.Narxadjayev) bilan birgalikda:

birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirishga;

mahalliy budjeti prognoz ko'rsatkichlarni o'z vaqtida va samarali bajarishga;

budjet mablag'laridan maqsadli va samarali foydalanishga;

budjet intizomiga rioya etilishi ustidan nazorat va mas'uliyatni yanada kuchaytirishga;

mahalliy budjetga soliqlar va boshqa majburiy to'lovlarning to'liq tushumini ta'minlashga;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

7. Shahar davlat soliq inspeksiyasi (S.Narxadjayev) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlililar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

Xatlov ishlarini samarali tashkil etish orqali yer va mol-mulk solig'ining soliq bazasini oshirish vazifasi yuklatilsin.

8. Shahar davlat soliq inspeksiyasi (S.Narxadjayev), kadastr agentligi shahar bo'limi (B.Usmanov) 2023-yildan boshlab yuridik shaxslar mol-mulk solig'ini hisoblashda ko'chmas mulklarga 1 kv.metr uchun minimal miqdorlar joriy etilganligidan kelib chiqib, shaharda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga

nisbatan soliqlarni to'liq hisoblanishini ta'minlasin.

9. Majburiy ijro byuroси Nurafshon shahar bo'limi (A.Yo'ldoshev) shahar davlat soliq inspeksiyasi (S.Narxodjayev) bilan hamkorlikda soliqlar va boshqa majburiy to'lovlar bo'yicha mavjud soliq qarzдорliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzдорliklarining chorak boshiga nisbatan kamayib borishi bo'yicha barcha kompleks chora-tadbirlar ko'rish vazifasi yuklatilsin.

10. Mahalla va nuroniylarni qo'llab-quvvatlash bo'limi (A.O'tapov), shahar aholisini jismoniy shaxslarning yer va mol-mulk soliqlari bo'yicha joriy hisoblangan soliqlarni hamda ushbu soliqlardan mavjud soliq qarzдорliklarini undirish yuzasidan soliq organlariga amaliy yordam ko'rsatsin.

11. Shahar hokimining o'rinbosari (R.Xaydarov) Davlat aktivlarini boshqarish agentligi Toshkent viloyat hududiy boshqarmasi (S.Jumayev) va bo'sh turgan obyektlaridan samarali foydalanishni tashkil etish markazining Toshkent shahar hududiy boshqarmasi (L.Ataxodjaev) bilan birgalikda:

bo'sh turgan davlat mulki obyektlarini aniqlash bo'yicha xatlov ishlarini samarali tashkil etish;

xatlov natijalariga ko'ra shaharda mavjud bo'sh turgan davlat mulki obyektlari ro'yxatini shakllantirish;

shakllantirilgan ro'yxatga asosan bo'sh turgan davlat mulki obyektlarini ijaraga berish yoki sotish bo'yicha tegishli takliflar tayyorlash;

bo'sh turgan davlat mulki obyektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki obyektlarini "E-ijro auksion" maydonchasi orqali sotish ishlarini tashkillashtirish vazifasi yuklatilsin.

12. Kengashning mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi:

mahalliy budjetning qo'shimcha manbalaridan foydalanish to'g'risidagi hokimlik tomonidan taqdim etilgan takliflari asosida budjet qonunchiligiga to'liq rioya etilgan holda Kengash qaror loyihasini ishlab chiqilishiga;

Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatishga va natijalari bo'yicha tavsiyalar berishga monitoring qilishga;

mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etadi va ushbu mablag'larning maqsadli sarflanishi ustidan nazoratni amalga oshirishga mas'ul etib belgilansin.

13. O'zbekiston Respublikasi Prezidentining 2022-yil 25-oktabrdagi "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida"gi 409-sonli qaroriga asosan 2023-moliya yilidan boshlab shahar budjetlari jami

xarajatlarining 5 foizi biroq kamida 6 milliard so‘m mablag‘ rejalashtirilishi hamda shakllangan qo‘shimcha mablag‘larining kamida 30 foizini rejalashtirilishi belgilangan bo‘lib jamoatchilik fikri asosida shakllantiriladigan tadbirlarni moliyalashtirish uchun “Fuqarolar tashabbusi jamg‘armasi”ga yo‘naltirsin.

Bunda, shahar xalq deputatlari, Yoshlar ishlar agentligi, shahar hokimligi huzuridagi Jamoatchilik kengashlari hamda yangi joriy etilgan hokim yordamchilari budget jarayonida fuqarolarning faol ishtirokini ta‘minlash maqsadida aholiga keng targ‘ibot-tashviqot ishlarini olib borishga mas‘ul etib belgilansin;

mahalliy budgetlarning qo‘shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta‘mirlash ishlari olib borilayotgan ob‘ektlar ro‘yxati, shuningdek qurilish-ta‘mirlash ishlarining moliyalashtirilishi to‘g‘risidagi ma‘lumotlar har chorak yakunlariga ko‘ra, keyingi chorak birinchi oyining 10-sanasiga qadar majburiy tartibda tegishli hokimlik rasmiy veb-saytlariga joylashtirilib borilsin.

14. Shahar hokimining birinchi o‘rinbosari (Q.Alkarov), xalq deputatlari shahar Kengashi kotibiyati, tegishli tashkilot boshliqlari:

mahalliy budget daromad va xarajatlarining prognoz ko‘rsatkichlari bajarilishi hamda soliq bazasini kengaytirish yuzasidan ko‘rilgan chora-tadbirlar;

ajratilgan budget mablag‘laridan maqsadli va samarali foydalanishi yuzasidan erishilgan natijalar bo‘yicha Kengashga bir chorakda kamida bir marotaba hisobot kiritib borsin.

15. Shahar hokimligining axborot xizmati rahbari qonunda belgilangan ayrim soliqlar va to‘lov stavkalari, soliq solish tartiblari hamda boshqa ma‘lumotlarni ommaviy axborot vositalarida yoritilishini ta‘minlasin.

16. Mazkur qaror “Mash‘al” gazetasida rasmiy e‘lon qilinsin hamda shahar hokimligining rasmiy veb-saytiga joylashtirilsin.

17. Ushbu qaror rasmiy e‘lon qilingan kundan boshlab kuchga kiradi.

18. Mazkur qarorning ijrosini nazorat qilish xalq deputatlari shahar Kengashining “Mahalliy budget, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha” doimiy komissiyasi raisi A. Mavlyanov zimmasiga yuklansin.

**Xalq deputatlari Nurafshon
shahar kengashi raisi**



M. Saliyev

Xalq deputatlari Nurafshon shahar Kengashining
2023 yil 16 yanvardagi
VI-71-3-10-213-K/23-son qaroriga
1-ilova

Nurafshon shahar budjeti daromadlarining 2023-yildagi asosiy prognoz ko'rsatkichlari

ming so'mda

| T/r | Daromad turlari | Jami | Ajratma Meyori |
|-------------|---|-------------------|----------------|
| Jami | | 68,133,602 | |
| 1 | Yuridik shaxslardan olinadigan foyda solig'i | 6 519 939 | 10% |
| 2 | Korxonalar aylanmasidan soliq | 2 280 108 | 40% |
| 3 | Jismoniy shaxslardan olinadigan daromad solig'i | 21 571 536 | 10% |
| 4 | Yakka tartibdagi tadbirkorlar uchun jismoniy shaxslardan olinadigan daromad solig'i | 1 265 000 | 100% |
| 5 | Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i | 6 034 466 | 80% |
| 6 | Yuridik shaxslardan olinadigan mol-mulk solig'i | 8 717 169 | 70% |
| | Jismoniy shaxslarning mol-mulkiga solinadigan soliq | 2 422 962 | 100% |
| | Yuridik shaxslar yer solig'i | 6 203 387 | 60% |
| 7 | Jismoniy shaxslardan olinadigan yer solig'i | 3 742 070 | 100% |
| 8 | Qurilish materiallari bo'yicha yer qa'ridan foydalanganlik uchun soliq | 0 | |
| 9 | Davlat mulki bo'yicha ijara to'lovlari | 265 172 | 100% |
| 10 | Suv resurslaridan foydalanganlik uchun soliq | 341 799 | 100% |
| 11 | Davlat bojlari | | |
| 12 | Jarimalar | | |
| 13 | Davlat tashkilotlarining sof foydasidan daromad | | |
| 14 | Yig'imlar | | |
| 15 | Davlat aktivlarini joylashtirish va sotish (xususiylashtirish)dan qonunchilikda belgilangan normativlar bo'yicha olingan daromadlar | | |

| T/r | Daromad turlari | Jami | Ajratma Meyori |
|-----|--|-------------------|----------------|
| 16 | Boshqalar | | |
| | Jami | 59,363,608 | |
| | Mobil aloqa xizmatlari va alkogol mahsulotlari, sh jumladan pivo uchun aksiz solig'i tushumlaridan tegishli ravishda o'tkazib beriladigan daromad | 8,769,994 | |
| 17 | Alkogol mahsulotlari, shu jumladan pivo | 3,547,911 | |
| 18 | Mobil aloqa xizmati | 1,521,849 | |
| 19 | Tamaki mahsulotlari aksiz solig'i | 3,700,234 | |

Xalq deputatlari Nurafshon shahar Kengashining
2023 yil 16 yanvardagi
VI-71-3-10-213-K/23-son qaroriga
2-ilova

**2023-yil uchun Toshkent viloyati viloyat budjetidan birinchi darajali budjet mablag'larini taqsimlovchilarga
ajratiladigan mablag'larning cheklangan miqdorlari**

ming so'mda

| Ko'rsatkichlar | | Miqdori |
|-----------------------|---|--------------------|
| T/r | Xarajatlar jami | 101,667,107 |
| 1 | Ijtimoiy soha va aholini ijtimoiy qo'llab quvvatlashga xarajatlar - jami | 69,139,032 |
| 1.1 | Maorif | 10,542,507 |
| | -maktabgacha ta'lim | 3,982,548 |
| | -umumiy ta'lim | 6,559,959 |
| 1.2 | Sog'liqni saqlash | 48,659,778 |
| | tibbiy-ijtimoiy xizmatlar uchun xarajatlar | - |
| 1.3 | Madaniyat va sport, ommaviy axborot vositalari | 3,056,978 |
| | madaniyat va ommaviy axborot vositalari | 583,782 |
| | sport | 2,473,196 |
| 1.4 | Bolali oilalarga va kam ta'minlangan oilalarga nafaqalar va kompensatsiyalar | 6,761,287 |
| 1.5 | Ozodlikdan mahrum etish jazosini o'tab bo'lgan fuqarolarga "Dastlabki ijtimoiy-moddiy yordan paketi" | 18,400 |
| 1.6 | Ijtimoiy ko'nikma markazlari | 100,082 |
| 2. | Iqtisodiy xarakatlar | 12,864,934 |
| 2.1 | Obodonlashtirish | 12,116,020 |

| Ko'rsatkichlar | | Miqdori |
|-----------------------|--|-------------------|
| 2.2 | Veterinariya qo'mitasi | 361,430 |
| | mahalliy budjetlarda hokim yordamchilaring tavsiyalari asosida mahalla infratuzilmasini yaxshilash uchun | 387,484 |
| 3 | Davlat boshqaruv organlarini saqlash | 11,268,792 |
| 3.1 | Davlat boshqaruv idoralari | 11,268,792 |
| 4 | Fuqarolarni o'zini-o'zi boshqarish organlarini saqlash | 1,447,150 |
| 5 | Zaxira jamg'armasi | 947,199 |
| 6 | Fuqarolar tashabbusi jamg'armasi | 6,000,000 |

Xalq deputatlari Nurafshon shahar Kengashining
2023 yil 16 yanvardagi
VI-71-3-10-213-K/23-son qaroriga
3-ilova

Umumdavlat soliqlaridan shahar mahalliy budjetlariga ajratmalar me'yori

| T/r | Mahalliy budjetga ajratmalar | Nurafshon shahri (foizda) |
|------------|--|--------------------------------------|
| 1 | Jismoniy shaxslardan olinadigan daromad solig'i | 10 |
| 2 | Yuridik shaxslardan olinadigan foyda solig'i | 10 |
| 3 | Yuridik shaxslarning mol-mulkiga solinadigan soliq | 70 |
| 4 | Yuridik shaxslardan olinadigan yer solig'i | 60 |
| 5 | Benzinni, dizel yoqilg'isini va gazni yakuniy iste'molchilarga realizatsiya qilishdagi aksiz solig'i | 80 |
| 6 | Aylanmadan olinadigan soliq | 40 |
| 7 | Suv resurslaridan foydalanganlik uchun soliq (elektr stansiyalari tomonidan to'lanadigan soliq) | 100 |

Xalq deputatlari Nurafshon shahar Kengashining
2023 yil 16 yanvardagi
VI-71-3-10-213-K/23-son qaroriga
4-ilova

Nurafshon shahrida qishloq xo'jaligiga mo'ljallanmagan yer solig'i stavkalari uchun 2023-yilda belgilangan koeffitsientlar

| T/r | Hudud nomi | Yuridik shaxslardan undiriladigan yer solig'i stavkalari, 1 ga uchun | | Jismoniy shaxslar bo'yicha, 1 kv.m uchun | |
|-----|------------------|--|---|--|--|
| | | Koeffitsient (0,5 dan 2 gacha) | Yer solig'i stavkasi 2023-yil uchun (ming so'm) | Koeffitsient (0,5 dan 2 gacha) | Yer solig'i stavkasi 2023-yil uchun (so'm) |
| 1 | Nurafshon shahar | 1,10 | 36 300,0 | 1,00 | 297,0 |

Izoh: shahar Kengashi tomonidan yuridik shaxslar uchun yer solig'i stavkasini mahalla fuqarolar yig'inlari kesimida tuman (shahar) markazlari uzoq-yaqinligiga qarab, 0,5-2,0 kamaytiruvchi va ko'paytiruvchi koeffitsientlarni belgilash huquqiga ega

Xalq deputatlari Nurafshon shahar Kengashining
2023 yil 16 yanvardagi
VI-71-3-10-213-K/23-son qaroriga
5-ilova

5-ilova**Yuridik shaxslar bo'yicha mol-mulk soliqlari uchun qo'llaniladigan mutloq miqdorlari**

| T/p | Tuman va shaharlar nomi | Koeffitsient (mutloq miqdor) | Belgilangan qiymat (so'm) |
|------------|--------------------------------|-------------------------------------|----------------------------------|
| 1 | Nurafshon shahri | 1,0 | 1 500 000 |

Xalq deputatlari Nurafshon shahar Kengashining
2023 yil 16 yanvardagi
VI-71-3-10-213-K/23-son qaroriga
6-ilova

**Nurafshon shahar budjetiga 2023-yilda viloyat budjetidan ajratiladigan tartibga soluvchi budjetlararo transfertlar
miqdorlari**

| T/r | Shahar va tumanlar | Summa |
|------------|---------------------------|---------------------|
| 1 | Nurafshon shahri | 33 533 505,0 |
| | JAMI | 33 533 505,0 |

Xalq deputatlari Nurafshon
shahar Kengashining
2023 yil 16 yanvardagi
VI-71-3-10-213-K/23-son
qaroriga
7-ilova

Nurafshon shahar budjetlarida yo‘l qo‘yilgan eng kam mablag‘lar miqdori

| T/r | Hudud nomi | Miqdor |
|------------|-------------------------|------------------|
| 1 | Nurafshon shahri | 606 964,0 |